

## Universitätsbibliothek Paderborn

### **Mirabilis Vita Venerabilis Virginis Marinæ De Escobar Vallisoletanæ**

Deprompta ex ijs, quæ ipsamet jussu Patrum suorum Spiritualium  
consignavit

Vitæ Venerabilis Virginis Marinæ De Escobar. Pars Prima

**Puente, Luis de la**

**Pragæ, 1672**

Caput XXIV. De varijs modis, quibus se Deus supernaturaliter communicat  
animabus, & quibus ipsæ illum in ista communicatione cognoscunt.

**urn:nbn:de:hbz:466:1-38580**

## C A P U T XXIV.

De varijs modis, quibus se DEUS supernaturaliter communicat animabus, & quibus ipsæ illum in ista communicatione cognoscunt.

**P**ro eo, quod Venembris Mari-  
na de Escobar in se ipsa est  
experta, conscripsit DEO in-  
spimite, varios modos, quibus  
Divina Majestas se comuni-  
cat supernaturaliter animabus, & gradus  
seu scalas, quibus ad illos progrediuntur, u-  
nâq; modos, quibus ipsæ DEUM in ista com-  
municatione cognoscunt. Atq; in his om-  
nibus adumbribat seipsum, ac depingebat  
id, quod illi eveniebat, in duplice statu via,  
quæ illam DEUS ducebat, quando iexprimit  
quidem prospere utens vento abundavit so-  
latij spiritualibus, postea verò fuit passu  
varias ac diutinas afflictiones, pro sua ma-  
jore corona.

sterium, quæ veritas remanet in tali ani-  
ma quasi inserta, & impressa valde clare,  
verè ac firmiter, ac si in molli cera rema-  
neret figura sigilli in illam impressi. Hic  
modus est admodum Divinus, excellens, &  
sublimis.

3. Est & tertius modus, quando DEUS  
quasi explorat intimos recessus animæ, atq;  
ità illi incipit insinuare aliquam veri-  
tatem vel mysterium, quod ipsi Divina Ma-  
jestas vult manifestare, & exponere tuis  
per suos Sanctos Angelos, quæ illuminati-  
one & exploratione perfectè disponitur,  
ut audiat, intelligat & cognoscat, quid lo-  
quantur ac annuncient illi Sancti Angeli,  
& quæ mysteria, nomine DEI, velint ipsi  
indicare, pandere, & exponere. Sicut  
contingeret cuiquam viro gravi & pruden-  
ti, qui clare perciperet, cognosceret, ac in-  
telligeret, sibi à Rege, Domino suo, præ-  
standam aliquam gratiam & favorem; ide-  
oq; se disposeret pro eo suscipiendo, cum  
gratiarum actione, & cæteris requisitis, ad  
audiendum, percipiendum, & inteligen-  
dum, quid Regia Majestas illi sit manda-  
tura, ab eo petitura, & ad quid agendum  
sit usura ipsius operâ: ita fit, & le res ha-  
bet in hujusmodi gratia & misericordia,  
quam DEUS præstat animæ.

4. Quartus modus, est lumen & cogni-  
tio specialis & supernaturalis, quam Chri-  
stus JESUS Dominus Noster dat, & com-  
municat animæ, quando dignatur, ex sola  
sua bonitate & misericordia, illi revelare  
aliquid mysterium suæ Passionis, Resurrec-  
tionis, vel Ascensionis, aut Infantia sua,  
similiūmve rerum, quo lumine habito &  
cognitione, videt, cognoscit, ac intelligit  
admirabili modo, in eo Domino dolore,  
quos est passus in eo mysterio, quod illi manife-

## §. I.

De quatuor supernaturalibus  
modis, quibus se DEUS com-  
municat animæ.

1. **P**rimus modus, quo se DEUS su-  
pernaturaliter communicat animæ ( quantum cum Divinæ Majestatis  
gratia intellexi, & ex ipsius bonitate sum  
experta ) est loquela quædam interior ac  
Divina, quæ sonat in auribus & auditu se-  
cretiore ac superiore animæ, ubi per Divi-  
nam gratiâ, & per supernaturale lumen si-  
bi à DEO communicatum, ipsum cognoscit,  
valde distinetè, verè, ac vivaciter.

2. Secundus modus, est cognitio clara  
& manifesta, quoad DEUS vult, & est  
Sanctissima ipsius voluntas, ut anima, &  
pars illius superior illuminetur, quæ vide-  
tur, cognoscitur, ac intelligitur in eo ipso  
Domino, admirabiliter, illa veritas & my-

manifestatur, aut gloriam Resurgentis, vel Ascendentis, vel alia mirabilia, concernentia ipsius Infantiam.

Quamvis autem tertius & quartus modus, quos hic resero, videantur esse potius speciales gratiae, quas DEUS exhibet animae, in sua Divina & mystica communicatione, quam distinctus modus se communicandi, invenio tamen, nescio quid distinctionis ac differentiae in hoc, quod DEUS ita doceat animam, ut videatur somniare, intelligaturq; esse modus communicationis potius, quam specialis gratia à Divina Majestate animae praestita.

### §. II.

*Quomodo oporteat esse dispositam animam, ut DEUS se illi communicet, loquaturq; internè: & de varijs gradibus, per quos ipsam ducit.*

Postquam anima se collocaverit ad pedes sui DEI ac Domini, illiq; obtulerit Sacrificium solidarum & perfectarum virtutum, & postquam, per Divinam bonitatem jam nihil videtur intercedere inter DEUM & ipsam, eò quod sit illi subiecta, subdita, & obediens, ac disposita ad omnia, quæ DEUS ipsius & Dominus ei voluerit dare ac præstare, disponeréq; de illa, quoad crucem, afflictionem ac dolores, vel solatia & gaudia, ac svavitatem; ille vero ipsam respiciat oculis paternis, amando illam, & bene ei volendo, tanquam filia & sponsa, recreando candem & consolando, sicut decet talem bonum & magnificum Dominum, prospicio illi in omnibus necessitatibus, ipsamq; adjuvando; postquam, dico, anima est in hoc statu virtutum, per Divinam bonitatem & gratiam, atq; Dominus illi se communicat, & pandit sua Divina secreta ac mystria, clarè & specialiter, ipsam illuminando, debet anima in suo peculiari exercitio orationis, quando occludit portas omnibus creaturis, & sola agit cum suo DEO,

offerre ipsi suum exercitium orationis & meditationis, gratiarum actionis, & contemplationis, ac cætera, quæ nos docent Sancti. Hac enim viâ nobis ingredendum est, donec Dominus nos incipiat alloqui, ducatq; animam, quò voluerit; oblatis ipsi omnibus in purissimè aurea patina humilitatis, & cognitionis propriæ nostrarum misericordiarum, quæ virtus admirabilis plerumq; in hoc statu non acquiretur solâ consideratione, sed promanabit à lumine interno & antiquo, communatio ipsi à DEO. Hæc est magni momenti ac pretij.

Debet anima ingredi intimum & secretum conclave DEI, libera, & expedita à desiderijs rerum mirabilium & supernalium, submitendo se sincerè ac simpliciter Domino DEO, ut faciat & opere tur in illa, quod voluerit, ipsiq; bonum factu visum fuerit, neq; debet in suo exercitio subsistere ex proposito, vel in eo desidiæ se dare, ut audiat & auscultet DEUM, an loquatur: quando enim DEUS id vult facere, & se taliter communicare, seu in visione, seu in revelatione, plerumq; præmittit quosdam quasi nūcios ad animam, quod illi velit præstare aliquam extraordinariam gratiam, ut propterea subsistat, & auscultando attendat, quid illi dicatur, vel exhibeat: prætereaq; concedit DEUS sœpe moram animæ humili ac religiosæ, ut se excusat, dicatq; suo DEO, scilicet malle in exilio pati, quam gaudere: neq; unquam hac viâ perditur DEUS. Sicut enim ipsemet est, qui hoc docet, ita se ipse donat & communicat animæ abundantius: estq; mirabile, quod hac in re Divina Majestas facit & operatur, pro Divina sua voluntate. Videtur rogare, & offerre amanter donum, atq; dum se anima excusat, infert ipsi quandam amabilem & svavissimam vim, quæ illam sibi reddit obsequenter. Alias ingreditur DEUS in animam tanquam Dominus, ut est, suus Dominus, mandando & prohibendo, ut ajut dicendóq; svaviter: hoc tibi est faciendum, vel hoc audiendum, aut hoc est vindendum, vel istud intelligendum. Tunc anima.

anima est subiecta, subdita, obediens, abundans solatio, & corroborata ad omnia, quæ vult D E U S. Et quia dixi, quid fiat in hoc felici statu animæ, in quo se D E U S communicat, alloquijsq; suis Divinis animam dignatur, & se illi manifestat, suaq; Divina secreta ac mysteria pandit & exponit, volo etiam dicere, ad majorem, ipsius gloriam, juxta id, quod à D E O sum docta, & ipso donante experta, ob ejus beatitudinem, in quali alio statu, se D E U S communicet animæ, eidemq; se modo prædicto manifester ac ostendat.

Dico porro, quod postquam est egressa anima, D E I adjuvante gratiâ, ex terra Ægypti, & ex potestate Regis Pharaonis, qui est diabolus, noster adversarius, & pertransivit mare rubrum, atq; jam est in via, quæ ducit ad beatam terram promissionis: postquam præterea multum passa est in eadem via, vigilando & pernoctando in custodia sui ipsius, obtinuitq; & comparavit, cum D E I gratia & sudore, ac labore manuum suarum, pretiosissimum thesaurum perfectarum & solidarum virtutum, veræ mortificationis passionum, & contemptus sui ipsius, ac abnegationis propriæ voluntatis, amando crucem Christi, eamq; ex corde amplectendo: & postquam per hanc viam regiam continuæ Orationis pervenit ad cognitionem D E I, pro sua capacitatem, atq; ad ipsum possidendum & amandum perfecte, Dominus autem cum illa agit, sicut cum filia, Sponsa & amica sua, seq; ei communicat, ipsam alloquitur, & docet, multis ac diversis modis: & postquam illam Divina Majestas jam non tractat instar infantis, lactando ipsam semper suis uberibus, fiditq; illi, ac potest fidere majora, & mirabilia, ut sunt derelictiones, desolationes, obscuritates ac tenebra spissiores & obscuriores, quam fuerint Ægyptiæ, quæ poterant palpari manibus: postquam etiam Dominus fudit tali animæ derelictæ à D E O, secundum opinionem hominum, ut pendeat inter cœlum ac terram, quin possideat istam, & fruatur illo: & postquam D E U S permisit ex sua infinitate bonitate, atq; pro ma-

jori bono ac emolumento hujus talis ani- mæ, ut omnes ipsius hostes consurgant contra illam, eamq; persequantur, ac affi- gant, nec non passiones ipsius vel inclina- tiones naturales atq; rebelles delinquent, ut videtur id, quod tamen jam in isto sta- tu non accedit, in quo haec passiones non erunt indomitæ, cum jam sint mortue: quando anima est in hoc statu, & proges- sa est ultra primum, de quo sum loquuta, communiuat se tali animæ D E U S, loqui- tur illi, & manifestat se ipsi hunc in mo- dum. Ordinariè non sunt haec visitati- ones, alloquia, & illustrations ac revela- tiones, quas Dominus D E U S isti animæ communicat, longæ, neq; diuturnæ, sed breves, & modico tempore durantes: non quod propterea sint minores, aut minora mysteria, sed quia D E U S agit compendi- osè & strictim, docetq; animam intra bre- ve tempus. Dixi autem: ordinariè. Qui, ut D E U S est infinitus ac potens, ita po- test facere, ac variare sua opera, quando & sicut voluerit, fueritq; ipsius Sanctissi- ma voluntas. Semper Divina Majestas præmittit, qualiter dixi fieri in altero fla- tu, nuncios, ac indicia, ut præmoneat, se venire, cum suis Divinis donis, & pleniusq; præstat istas gratias, quando anima nihil minus cogitat, quam ut illas suscipiat, mol- totq; minus, quod illi sint præstandæ. Si- quidem enim non habet suum D E U M vicinum, sicut solebat, tantumq; ipsum re- tinuit in intimo recessu cordis, nam inde nunquam se absentat, nisi ob aliquam cul- pam, ubi Divina Majestas per suam boni- tatem commoratur, etq; unita animæ, id quod ipsa experitur, et si arcanißime, ut ita possit pati sine solatio; ideo anima est quam remotissima ab eo, ut cogitet de his donis, & illa expectet. Venit nihilominus Di- vina Majestas ad illam, alloquitur ipsam, seq; ei communicat, quando maximè est afflita & turbata, desolata ac oppresa à suis inimicis; tunc enim plerumq; loqui- tur D E U S, & instar boni Pastoris, fibula- suæ ovi, quia eam cognoscit, & ipsa co- gnoscit illum.

Effectus

Effectus admirandi, quos istæ misericordiæ DEI operantur in anima, quæ in hoc statu versatur, sunt prædicti, præter alios multos, quos nescio explicare, neq; intelligere. Istæ misericordiæ Divinæ sunt huic animæ, non lac dulce infantium, sed cibus & viëtus grandium: non sunt illi solatium, levamen & gaudium, sed fortitudo ac virtus in ipsius pusillanimitatibus & exanimationibus, non sunt porta patens, ut per illam contempletur beatitudinem, sicut solet facere in altero gradu, sed murus fortissimus, & præsidium, pro impediendo ingressu hostis: non sunt animæ ornamentum, & obtutus sponsorum, sed clypeus & scutum, pro defensione adversus iectus, & invasiones hostiles: ac tandem non sunt gustus nec sva-  
vitates, neque dulcedo palato animæ, sed auxilium, virtus ac robur illius: istæ misericordiæ DEI non adferunt animæ ordinariè (quia quod est insolitum, ut dixi, relin-  
quimus DEO, qui omnia potest, & juxta id, quod ordinariè fit, nos debemus diri-  
gere, ac dicta intelligere) elevationes, rap-  
ptus, ecstasis, atq; alia hujusmodi: imò videtur per breve temporis spatum anima quodammodo oblivisci & esse imme-  
mor sui DEI ac Domini, tantumq; reti-  
net virtutem & fortitudinem, omniq;  
cætera bona, quæ dixi; sicut contingit ho-  
mini mortificato, quo comedente cum  
eximio gusto, corroborantur & confor-  
tantur ipsius membra: neq; debet anima  
in hoc statu multum tergiversari ac relu-  
ctari, quando advenit DEUS cum his suis  
Divinis donis: et si enim hoc sit laudabile  
in altero statu, neq; propterea perdatur  
DEUS, ibi tamen expedit, ut relugetur  
anima, tanquam indigna, hic autem, ut  
amplectatur confortationem ac medici-  
nam, tanquam debilis & quasi infirma: ac  
proinde dico, quod debeat anima humili-  
liter ac reverenter, & agnoscendo suam  
necessitatem ac voluntatem DEI, ample-  
cti & suscipere istas misericordias ac dona  
DEI. Cogitet quoq; & credat, hoc DEO  
placere, idq; ipsum velle ex sua bonitate,

ac misericordia, & pro ipsius bono, auxi-  
lio, & corona...

## §. III.

*Quomodo anima cognoscat DE-  
VM, per viam Divinæ internæ  
communicationis, ex allocu-  
tione, visione, & opera-  
tione.*

1. **P**Ræcipuum fundamentum, quod anima habet pro cognoscendo, D E O, per viam Divinæ communicatio-  
nis, & internum alloquium, est puritas ani-  
mæ, præsertim illa, quam DEUS illi con-  
cedit in ipsius primis principijs.

2. Secundum, est mortificatio, & humi-  
litas, atq; avulsio ab omni creatura, & uni-  
versis, quæ non sunt D E U S, corundemq;  
oblivio.

3. Tertium, est apparatus & ornatus il-  
larum virtutum, quas Dominus D E U S  
Noster dat & communicat animæ grati-  
ose, & ex sola sua bonitate, unaq; acquisi-  
tarum, cum gratia & auxilio ejusdem Do-  
mini, sudore ac labore creature.

4. Fundamentum quartum, est præsen-  
tia DEI & continua oratio, unde hoc o-  
ritur, emanat ac provenit, ut contemplando  
se ista Sponsa cœlestis Regis in illo clari-  
ssimo speculo Divinæ faciei, ubi videt,  
agnoscitq; seipsum, suam vilitatem ac mi-  
seriam; cognoscat quoq; quantum capit  
anima & ei communicatur à DEO, ipsius  
Est Divinum, amando illum, & cognoscendo ipsum, atq; contemplando. Hoc modo devenit anima in agnitionem lo-  
quelæ Divinæ, intuitus Divini, operationis  
Divinæ, per lumen supernaturale, quod il-  
li communicatur, ad agnoscendam illam  
loquaciam interiorem ac Divinam, quæ at-  
tingit & occupat intimum fundum & su-  
periorem ipsius partem, certissimèq; eam  
illuminat, ut ipsam non permitrat dubi-  
tare, sitne Divina ea loquela & communi-  
catione DEI. Ad quam explicandam vel

Bbbb exponen-

exponendam non suppetunt verba. Si-  
cut enim dici nequit, qualis sit DEUS in  
seipso, ita dici non potest, quomodo lo-  
quatur, sēq; ipsum communicet DEUS.  
Ideoq; solum affero, esse metallum Divi-  
num, quod sonat ac sapit lumen DEI, &  
svavitatem DEI, ac pacem DEI, atq;, ut  
finiam, dico, quod sonet ac sapiat ipsum.  
met DEUM, & dico amplius, quod sicut  
agnellus, solo instinctu naturali cognoscit  
suam matrem, ex balatu, ac illam sequi-  
tur, & querit, atq; parvulus infans, sine usu  
rationis, suam, ex loquela, & facie, gaudētq;  
ac lætatur dum illam audit, ac videt; ita,  
suo modo, ista anima pura & munda, non  
ex instinctu naturali, sed ex gratia & lu-  
mine supernaturali DEI, quod illi com-  
municat, agnoscat suum Patrem, & suum  
DEUM, suumq; Dominum, quodq; om-  
ne bonum ipsius consistat, in ipsius allo-  
quio, & intuitu ac operatione, sicut dixi,  
querātq; illum, ei obediatur ac lætetur in il-  
lo & gaudeat. Agnoscit hæc anima su-  
um DEUM ex aspectu, quia dum con-  
templatur in vultu illius Divini Ese justi-  
tiā, postquam prius ab ipso est illustrata,  
& illuminata, recipit tales influxus &  
talem virtutem, talēq; lumen, ut summe  
propter istum Divinum intuitum amet  
suum DEUM ac summum bonum: ti-

met quoq; ipsum ac reveretur, obedit ei,  
maximēq; optat, se mille modis quasi con-  
dire gustui & palato DEI. Hos effectus  
admirabiles, & alios, producit in anima  
iste intuitus DEI, unde devenit in cogni-  
tionem clarissimam, ipsum esse, qui radio  
suae virtutis, pertingentis ad animam, ta-  
lem affectum est operatus in illa. Co-  
gnoscit ista anima suum DEUM ac Do-  
minum in operando, quia, postquam se  
collocavit ad pedes Agni Divini, dum con-  
siderat & contemplatur ipsius Divina ope-  
ra, & qualis hic Dominus sit in seipso, qua-  
lis fuerit, ac sit erga nos, concipit anima  
adjuta gratiā istius Domini, talia & tanta  
desideria, operandi pro DEO, & patiënti  
pro DEO cum magna voluprate, solatio  
& gaudio, ut deveniat in cognitionem  
clarissimam & supernaturem, eum, qui  
ita operatur in anima, esse DEUM, ipsi-  
usq; Scientiam, ejusdēmq; potentiam &  
bonitatem. Iste est modus, quo ani-  
ma cognoscit DEUM per Divinam ejus  
ac admirabilem communicationem, ut  
me idemmet Dominus edocuit, fecitq; ut  
id experirer, ex sola sua Divina bonitate.



CAPUT